

## Нарт делкән хоорндк бәәдл ясруллгънд США саалтг болджана

Кумн-әмтн ик зуугъар дөнъ-нүлгдджәх Советск Союз болн наадк чигн социалистическ орн-нутгуд, төвкнүн бәәлгънә төлә, нарт делкән чинвр сулдххин төлә күчлдж ноолддж йовх цагт, западн орн-нутгудиг гардгч улс „киитн дә“ уурулхин өмнәс зүткджәцхәнә, оln-әмтн хоорнд йир юугъар болв чигн гал шатадж, дөгәхәр седцхәнә. Австралийск журналистлә кесн куундвртән Н. С. Хрущевин темдглсәр болхла, нарт делкән бәәдл дөтрлж ясрм чингә, эвтә сән бәәдл токтад ирхлә, Западнн темдгтә әмтс, түүнд харшлхин төләд, тер бәәдлгиг дакн улм хурцдулхин төләд болн түүг улм гүдәхин төләд оln-зүсн ааль-мек гаргълж харшлна. Ливана болн Индонезин туст империалистическ орн-нутгудин кеджәх политик түүнд герч болдж чадхмн.

Газадин үлмә уга, тустан бәәдг государств болтха гидж Ливана оln-әмтн, эврәннъ государствин төлә ноолддж йовхнъ медгддг биший. Болв эн колониальн орн-нутгудин сә хәәлгънд, юмна түүрүнд, гардгч улснъ Ливана дотр-дундин керг-төриг зертә-зевтә орлцлгъ кех зурата, ташр тер зурагъан Ниилсн Келн-әмтнә Организацин туг дор күдәхәр седджәх США-н болн Англин баячудин сә хәәлгънд сөрүд болдж гарчана. Ливанд интервенц кехин төләд „Ниилсн Келн-әмтнә Организацин полицейск чидл күндтә болх билә... Кемрджән американск зертә-зевтә чидл кергтә болсн цагт, түүг дәәнд орлцулхин төләд ООН с зөвшәл авхла сән болхмн билә“ — гилж „Ньюсуик“ гилг американск журнал бичджәнә. Ливанур зертә-зевтә дāvрлгъ кех империалистрин зурас Ближн Востокд күчр әәмшгтә бәәдл токтаджана, цуг нарт делкән төвкнүн бәәлгънд әәмшг үзүлджәнә.

Индонезин өмнәс империалистнр босхар седлгън чигн төвкнүн бәәхдән дурта оln-әмтнл бас му уха орулджана. Юго-Восточн Азийин эн орн-нутгт правительствин өмнәс сөрүд мятеж кехин төләд американск дипломатъ болн дәәсрхәчнр хара бишәр зүткв. „США, Юго-Восточн Азийд ик дәәнә түүмр шатахар седлә, тегәд түүгәрн шалтг кеггәд, Индонезд колониализмин ярмиг дакн зүүхәр седв“ — гилж „Сулу Индонезия“ гилг газет бичлә. Болв эн агресивн санан-тоолвр балв тусал хуурчана. Индонезийск оln-әмтн эврәннъ йоста правительств толгъачтагъан мятежникудиг Суматор арл деер чигн, тер мет Сулавеси арл деер чигн күүчв. Болв, тер бийнъ империалистнр Индонезур өнъгәдгән уурад уга. Индонезин оln-әмтнә өмнәс улм

цаарандан ноолда кехин төләд болн Юго Восточн Азийд бәәдлгиг улм хурцдулхин төләд теднә агентнр американск дәәсрхәчнрин туслнъ дөнъг-тәгъәр индонезийск наадк арл-мудар эврәннъ чидлән баглад, хурагъад бәәнә.

Венгерск оln-әмтнә хортн, урвач Имре Навиг болн түүнә нөкцлмүдиг цааджлсн венгрин ах заргъин шиидврлә залгълдулдж, реакционн әмтсин, советск йосна өмнәс кесн ноолдан чигн төвкнүн бәәлгънд империалистнр дурго болдгт герч болджана. Эн ноолдана күдлнъ болхла — нарт делкән бәәдл хордах, нарт делкән хоорндк эрки чинртә гол төрмүд хагълхин төлә кех Западнн болн Востокин орн-нутгудин правительствсин толгъачнрин совещанъ хуралгънд харш боллгън. Советск Союзин агъарин меджәг американск самолет эвдлгън бас минъ тиим күслтә болджана. Тиим нег эвдлгън июнин 27-д болла, түүнлә залгълдулдж мана правительств американск правительствд нот өгв, США-н политик нарт делкән бәәдл ясрулхд харшлджана гидж тер нотд келгдджәнә.

„Киитн дәәнә“ американск ноолдачнр нарт делкән бәәдл ясрулхар седджәхш. Хәрнъ нам, зер-зевәр агслгънас ик олз-орш авхин төләд тедн түүг давулад гүүдәхәр седджәцхәнә. Болв, тер бийнъ, нарт делкән бәәдл ясрулхд дурта оln-әмтнә халхас империалистрин тер седвәрт нег мөслгч хөрлт тосулгдна.